



Broj:02-04-3-323/20  
Goražde, 03.03.2020 godine

Na osnovu člana 69. stav 2. tačka e. Zakona o javnim nabavkama (" Službeni glasnik BiH" br. 39/14 ) u postupku javne nabavke usluga izrade projektne tehničke dokumentacije za izgradnju stambene zgrade u Projektu CEB II – Podprojekat 101, putem konkurentskog zahtjeva za dostavljanje ponuda, Gradonačelnik Grada Goražda donosi:

## O D L U K U

o poništavanju postupka javne nabavke usluga izrade projektne tehničke dokumentacije za izgradnju stambene zgrade u Projektu CEB II – Podprojekat 101

I

Ovom Odlukom poništava se postupak javne nabavke usluga izrade projektne tehničke dokumentacije za izgradnju stambene zgrade sa 24 stambene jedinice u Projektu CEB II – Podprojekat 101

II

Postupak nabavke se poništava zbog toga što je cijena prihvatljive ponude koja je dostavljena veća od procjenjene vrijednosti za ovu nabavku što je u skladu sa članom 69. stav 2. tačka e. Zakona o javnim nabavkama.

III

Ova Odluka će se objaviti na web stranici Grada Goražda [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u ovom postupku javne nabavke..

## O b r a z l o ž e n j e

Gradonačelnik Grada Goražda je dana 22.01.2020. godine donio Odluku broj 02-04-3-323/20 o pristupanju nabavci usluga izrade projektne tehničke dokumentacije za izgradnju stambene zgrade u Projektu CEB II – Podprojekat 101, putem konkurentskog zahtjeva za dostavljanje ponuda.

Na osnovu navedene odluke objavljeno je Obavještenje o javnoj nabavci na portalu javnih nabavki dana 30.01.2020. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 18 zainteresiranih dobavljača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 17.02.2020. godine.

Komisija za provođenje procedure predmetne javne nabavke je dostavila Izvještaj u kojem je utvrđeno da su za nabavku usluga izrade usluga izrade projektne tehničke dokumentacije za izgradnju stambene zgrade u Projektu CEB II – Podprojekta 101 u određenom krajnjem roku za dostavljanje ponuda dostavljene ponuda ponuđača „IPSA INSTITUT” d.o.o. Sarajevo, „Radis” d.o.o. Istočno Sarajevo i „Uniprojekt” d.o.o. Goražde.

Komisija je konstatovala da ponuda ponuđača „Ipsa institut” d.o.o. Sarajevo ispunjava uslove za učešće u pogledu lične situacije, sposobnosti za obavljanje profesionalne djelatnosti,



ekonomsko-finansijske sposobnosti kao i tehničke i profesionalne sposobnosti, ali da je cijena ponude navedenog ponuđača u iznosu od 33.350,00 KM bez uračunatog PDV-a značajno veća od procjenjene vrijednosti nabavke.

Takođe je od strane Komisije konstatovano:

- da ponuda ponuđača „Radis” d.o.o. Istočno Sarajevo nije prihvatljiva obzirom da je utvrđeno je da od strane navedenog ponuđača nije dostavljena izjava ovjerena od strane ponuđača da lica koja će raditi na izradi Elaborata koji su navedeni u tački 2.1. Projektnog zadatka imaju ovlaštenja precizirana navedenom tačkom projektnog zadatka za izradu pojedinih Elaborata, te da će ista ovlaštenja od strane ponuđača biti dostavljena ugovornom organu najkasnije do momenta potpisivanja ugovora, što je traženo u tački 2. Uslovi za učešće i potrebni dokazi, tehnička i profesionalna sposobnost ponuđača, potrebni dokazi, alineja 3,
- da ponuda ponuđača “Uniprojekt” d.o.o. Goražde nije prihvatljiva iz razloga što je navedeni ponuđač kao dokaz o radnom iskustvu angažovanih projekatanta koji nisu stalno zaposleni kod ponuđača dostavio potvrde koje su izdate od strane ponuđača, a ne od strane poslodavca ili poslodavaca kod kojih je projektant radio ili radi što je traženo tačkom 2. Uslovi za učešće i potrebni dokazi, tehnička i profesionalna sposobnost ponuđača, potrebni dokazi, alineja 4

Imajući u vidu da je cijena dostavljene prihvatljive ponude značajno veća od procjenjene vrijednosti za ovu nabavku koja je izvršena na iznos od 18.000,00 KM bez uključenog PDV-a Komisija je predložila da se postupak nabavke usluga izrade projektno tehničke dokumentacije za izgradnju stambene zgrade u Projektu CEB II – Podprojekat 101 poništi.

Na osnovu navedenog, a u skladu sa članom 69. stav 2. tačka e. Zakona o javnim nabavkama, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

- DOSTAVITI:
1. Ponuđačima,
  2. u spis,
  3. a/a

